

泉州府志

第十六册

卷之三十二

卷之三十三

泉州府志卷之三十二

名宦四

國朝

興泉道

葉灼棠字函公江寧六合人順治十二年以中翰隨定遠大將軍征閩委署興泉道事時瘡痍未起灼棠務與民休息未幾還京改授十五年復爲興泉兵備謝絕竿牘飲水茹檠值歲飢煮粥以啜飢民盜賊充斥灼棠領卒蒐捕元醜數十人駢戮以殉戊午五月海寇連數十

艘迫犯內港灼棠督師夾山而陣城闌不閉寇知有備
越日解去寇復潛窺上游逼渚洲嶼灼棠偵知預請督
鎮檄調興化舟師截其後自以臬標千人乘夜擊之斬
俘甚衆兩郡遂定因條陳安臬十要禁除四害皆悉中
時弊巡按成勇備疏入告允行他如恤舖行精讞鞠脩
雉堞美不勝書暇則課試多士親定甲乙膺識拔者如
登龍門逾年丁父艱去郡人投櫃一日滿百金固却不
受留賑貧民自衰經扶杖行民攜老幼懷酒核追送數
十里著有興臬政畧六卷

○主育賢遼東人康熙十七年任興泉道六月海寇圍泉州育賢日夜爲戰守具與士卒登陴守禦不解甲夜臥者四十餘日徒跣率百姓操畚鍤築垣開援師逾白鶴嶺至單騎臨衢巷遍慰父老父老皆感激流涕竟以勞卒圍解老幼投櫃運櫬攜牲醴數千人哭送祀於崇陽樓左

○孫朝讓號九芝蘇州人由進士崇禎閒知泉州府告養歸康熙閒再任泉州府陞興泉道市米買薪而外惟啜清源一斛水日與諸生談經課藝講明程朱之學公私

無擾鎮靜自持與民休養其爲政不在多言而郡人思

其德祀名宦

蔡山文集
叅雍正志稿

○佟沛年字禹公奉天遼陽人康熙四十三年任興泉道

興利除害三載政成丙戌久旱民以爲憂沛年喟然曰

天乎吾有位責也胡殃百姓爲則竭誠齋戒偕提師梁

公鼎率郡邑長徒步城南六七十里取水龍湖歸夜齋

宿月臺寺越數夕禱益虔吏以回署白不聽丁卯雨降

沛年露立中庭望空拜且祝袍服淋濕不避戊辰遂大

雨盡夜不停溝澮充溢高下得盡播種是歲大獲豐收

億萬戶感激莫報會都人士素沐其栽培之德故構講
院於郡東郊甫告成遂相率建亭於其左額曰誠格甘
霖並歌曰天不雨惟公憂雨則降惟公求我有田疇匪
公之賜曷耕收歌欣欣兮蒙公庥郡紳施世駿復爲文
勒於石

○朱叔權山陰人由吏員雍正八年任興泉道抑強扶弱
存心愛民革除舖戶諸雜派故事凡枷示重犯分發城
鄉看守俱着居民輪流支更一有疎虞卽罹重譴大爲
民累叔權下令免之發交約保支守民得安堵稱爲朱

佛縣役十二班頭設私館十二間於前田巷一票到手
拘齊犯証鋼禁其中勒索遂意始許餽送飲食不則斷
其水火叔權查知親詣折毀之飭縣輕犯及待質者發
取的保稍重者羈縣署班房不許私禁自是良民喜見
天日調任廣東糧道廣城西關外泉民累千踴躍歡迎
數十里每公出送者盈岸及降調天津府同知相率追
送至南雄府乃返在天津值壽誕興泉兩郡海艘至津
貿易者計數百人登堂慶祝各獻海鮮仍於船上燃燈
焚香奏樂稱賀繞岸數里三日乃罷

○泉州府知府

○張仲舉海州人由官監生康熙十六年守泉州時海氛未除軍興旁午民賴以全忽有白頭賊夜踰城西北以進達旦而遁越日主兵者議勦西北半城坐以通賊仲舉堅持不可後又獲賊部蕭姓者扳扯多人悉置不論止梟首惡民得安堵後陞興泉道

○高拱乾號九臨陝西榆林衛人由監生康熙二十九年知泉州府郡南安平一帶自辛丑播遷後田地多荒蕪按舊冊征輸民苦糧累拱乾躬歷田畝逐一勘丈清查

其無着者申請具題豁免民累以甦安平士民建祠龍
山寺前與前邑令王承祖並祀焉後陞臺灣道歷官布
政

○常光裕正黃旗監生康熙三十四年知泉州府爲政安
靜聽斷詳明晉江四十七都黃姓係宦後故家其同鄉
謝姓世爲婢僕有謝拔因弟謝世爲海上僞目迫脅黃
愿將六歲幼女愛娘許配其子謝儲欲藉以洗主僕之
羞黃愿畏禍忍從繼乃強命劉福爲媒亦無寸絲爲定
及愛娘稍長決意不嫁僕屬辱身謝拔卽以悔婚叠控

邑令不顧名分反代送幣聘愛娘當堂剪髮以死自誓而問官復將愛娘之叔黃賡喜收禁差白役施欽立押愛娘赴縣成婚愛娘情急路經謝拔之門遂登梯跳入服毒而死邑令驗報審詳復以屍兄黃捷抄搶賴命擬流審解到府時光裕新任吊案親訊備悉謝家世爲貴僕黃愛娘原俱有平時呼奴呼婢一旦呼爲翁夫妯娌實屬亂倫不可玷辱之語及謝拔脅婚始無媒繼無聘前後捏詞混控各情節將謝拔擬杖滿百枷號愛娘墳前仍追給埋葬銀兩謝儲身充縣役立提責革黃賡喜

無辜開釋愛娘仍請旌獎詳蒙臬司撫院照詳發落閩郡稱快目爲常青天其他摘奸發伏伸冤理枉多類此

○李大章丹徒人由蔭生康熙三十五年知泉州府捐俸百五十金重造郡南三陡門委晉邑令李元霖督之堅

完異常

水利功德錄

○劉侃字晉陶號存菴山東沂水人康熙庚辰進士四十九年知泉州府實心勤政不避權勢重脩文廟及諸

先賢神宇又補蔡虛齋坊表故地樹立之置祀業遺其後裔刊小學實義頒之書院以教士朔望躬詣訓誨焉

哀矜民命錄宋儒謹刑語勒石府堂側並示將來以阜
異陞闡轉運使士民懷之立祠小山叢竹之東祀焉數
年後奉公過泉闔郡列戶設香案歡迎爭覩其面咸稱
有召南素絲之操云

○張無咎字惕齋山東萊州人雍正三年由部郎知泉州
府潔清鎮靜每月會諸生課文手爲評隲值歲饑開倉
賑救越年又飢惠邑更甚捐俸賑濟分別有法全活甚
衆後以盤倉失額解任百姓樂輸代補負擔相續填滿
廳堂得不墜職調任雲南去之日紳士相率燕餞于明

倫堂送者盈郊後歷山西按察使

○孫魯號岱東河南陽武人由監生雍正九年知泉州府初下車值科考閩泉士貧寒下令童子就試者自備試卷填名繳府蓋印一切卷票錢悉免之泉人爲勒碑於府照牆之東曰士沐新膏

○王廷諱號闇齋全椒人由舉人乾隆三年知泉州府下車刊和字圖說以教民按戶分給捐俸勸輸倡改興泉道舊署爲考棚仍脩溫陵朱子祠小山叢竹亭歐陽行道周真西山王梅溪各祠濬八卦溝葺東嶽廟捐置文

廟祭器樂器儲晉邑令胡格捐買店屋以爲諸生文會
飲食之需置買田租爲朱子祠祠丁祭掃香燈之費衆
廢俱興敬賢禮士每會集諸生講學諄諄不倦歲科兩
試殫心搜索各書院月課規定甲乙分別獎賞經識拔
前列者不數年多登甲科陞汀漳道歷閩省按察使

○張宗純陝西長安人提督元侯雲翼之裔由貢生乾隆
八年知泉州府志潔行芳飲永茹檠振興文教撫綏窮
民一切冤獄多所昭雪在任三載不爲赫赫之名而民
樂其生從其化士類尤深感激調任部郎倉儲有餘耗

身少月記 卷之三十二
缺額者爭爲捐輸補足紳士賦詩紀德曰溫陵輿誦

○書成鑲黃旗人出監生乾隆十二年知泉州府安靜宜民未幾陞臺灣道值泉州歲歉米價騰貴臺灣民相約禁港穀船不通成曰何忍任泉民獨飢亟下令凡載米穀至泉州各船悉放行無阻於是糧艘絡繹市價以平及丁父艱由泉回籍奠送者數千人

○伊靖阿正紅旗人由監生乾隆十二年知泉州府慈愛煦濡視民如傷繕紳賢士以至山人墨客皆加禮焉考試力拔孤寒凡貴胄官家槩絕獎賞士論歸之

○同知

○來承祉號駢第高陵人順治辛卯 恩援貢生十八年任

泉州府同知值海疆多故

承祉沿海奔馳極

意軫恤出橐金給民牛種墾荒田六千餘頃又輸重資
爲築堡蓋屋捐米施粥全活萬計素絲白儉一蔬一薪
毫不累民課士聽獄刑清政簡除里弊減夫役善政種
種康熙元年攝理安溪縣築學宮當兵燹後櫺宇傾圮
捐俸率諸學長鳩工庀材凡殿堂門廡堂垣次第繕葺
不動公帑不傷民力踰年新令闢宏異復理其未竟之

緒力贊厥成邑人士請給諫粘本盛爲文記之

節安溪藝文志

○王國泰奉天蓋平人初爲福州同知逆藩蓄異謀國泰每偵之以告總督范承謨後佐郡泉州康熙十六年遷

福建鹽驛道會耿逆初平海氛尙熾國泰辦應夫船予

直不以擾民泉州告警請破賊募壯勇數千人授衣糧

甲仗率先士卒奮呼擊賊泉人素仰其恩効命恐後賊

大潰圍解叙功增秩擢安徽按察使

福建通志

○黃焜號旭菴奉天人鑲黃旗貢生康熙五十一年知泉

州府海防同知善政宜民警島頌之警民婦劉黃氏偕